



*Министарство  
проблема и реформи*

Broj: JN1-03-07-3-19-20/17  
Datum: 17.05.2018. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH“, br. 39/14), Odluke o davanju saglasnosti na Izvještaj o evaluaciji javne nabavke usluga otvorenim postupkom za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH“ 05-14-3-31-10/18 od 03.05.2018.g i Odluke o davanju saglasnosti na prijedlog Odluke o dodjeli ugovora br: 05-14-3-31-11/18 od 03.05.2018.godine, koordinator za reformu javne uprave u BiH donosi:

## ODLUKU

### o dodjeli ugovora za nabavku usluga za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH“

Ugovor za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH“ dodjeljuje se grupi ponuđača Infodom d.o.o. Sarajevo i Lanaco d.o.o. Banja Luka, a po prihvaćenoj ponudi ponuđača br: PN 17/2017 od 18.12.2017. godine, po provedenom otvorenom postupku javne nabavke.

## II

Ugovor za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH“ zaključit će se po cijeni prihvaćenoj u ponudi grupe ponuđača Infodom d.o.o. Sarajevo i Lanaco d.o.o. Banja Luka u iznosu od **812.394,86 KM**, sa PDV-om.

## III

Ova Odluka stupa na snagu danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.

## Obrazloženje

Ured koordinatora za reformu javne uprave pokrenuo je otvoreni postupak javne nabavke usluga za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH“ i to Odlukom o pokretanju postupka javne nabavke broj: JN1-03-07-3-19-1/17 od 20.10.2017.godine. Obavještenje o nabavci br:1438-1-2-22-3-14/17 objavljeno je na



portalu javnih nabavki dana 27.10.2017.godine. Također, informacija o postupku javne nabavke objavljena je i na web stranici Ureda kordinatora za reformu javne uprave, kao i na stranicama Centra za promociju civilnog društva, web stranici akta.ba, ccpci.ba i briefing.ba.

Ured koordinatora za reformu javne uprave, do krajnjeg roka za prijem ponuda, primio je dvije ponude i to grupe ponuđača Infodom d.o.o. Sarajevo i Lanaco d.o.o. Banja Luka i grupe ponuđača King ICT d.o.o. Sarajevo i King ICT d.o.o. Zagreb. Javno otvaranje ponuda izvršeno je dana 18.12.2017. godine.

Komisija za javnu nabavku izvršila je pregled i ocjenu pristiglih ponuda i utvrdila da ponuđač:

1. Grupa ponuđača Infodom d.o.o. Sarajevo i Lanaco d.o.o. Banja Luka **ispunjava uslove** utvrđene u tenderskoj dokumentaciji u pogledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (član 45, 46 i 47. Zakona o javnim nabavkama).

2 Grupa ponuđača King ICT d.o.o. Sarajevo i King ICT d.o.o. Zagreb **ispunjava uslove** utvrđene u tenderskoj dokumentaciji u pogledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (član 45, 46 i 47. Zakona o javnim nabavkama).

Iz svega naprijed navedenog proizilazi da sva oba ponuđača ispunjavaju uslove iz člana 45., 46. i 47. Zakona o javnim nabavkama, odnosno tačke 7.1., 7.2. i 7.3. tenderske dokumentacije.

Nakon toga Komisija je pristupila analitičkom pregledu traženih i dostavljenih dokaza tehničke i profesionalne sposobnosti (**član 50. Zakona o javnim nabavkama**), te je utvrdila da ponuđač:

1. Grupa ponuđača Infodom d.o.o. Sarajevo i Lanaco d.o.o. Banja Luka **ispunjava uslove** utvrđene u tenderskoj dokumentaciji u pogledu traženih i dostavljenih dokumentata tehničke i profesionalne sposobnosti (**član 50. Zakona o javnim nabavkama**).

Dana 10.01.2018.godine Komisija je ovlaštenom predstavniku grupe ponuđača Infodom d.o.o. Sarajevo uputila Zahtjev za pojašnjenje Izjave poslodavca za eksperta 1- Voda tima dostavljene u okviru ponude kao dokaz ispunjenosti uslova iz tačke 7.4.2 pod b)1.1 tenderske dokumentacije za predloženog eksperta Igora Markovića.

Dana 15.01.2018.godine ovlašteni predstavnik grupe ponuđača Infodom d.o.o. Sarajevo dostavio je pojašnjenje navedene Izjave u smislu pojašnjenja opisa poslova na projektima, na kojima je predloženi ekspert obavljao pozicije vode projekta i pozicije projektanta. Nakon što je izvršila uvid u pojašnjenje komisija je zaključila da grupa ponuđača:

Infodom d.o.o. Sarajevo i Lanaco d.o.o. Banja Luka **ispunjava uslove** utvrđene u tenderskoj dokumentaciji u pogledu traženih i dostavljenih dokumentata tehničke i profesionalne sposobnosti (**član 50. Zakona o javnim nabavkama**).

Dana 10.01.2017.godine Komisija je predstavniku grupe ponuđača King ICT d.o.o. Sarajevo uputila zahtjev za pojašnjenje potvrde kojom dokazuje ispunjenost uslova iz tačke tačke 7.4.2 pod a) u smislu pojašnjenja razlike između osnovnih aktivnosti i izlaznih rezultata projekta navedenih u potvrdi.

Dana 15.01.2018.godine predstavniku grupe ponuđača King ICT d.o.o. Sarajevo dostavio je pojašnjenje potvrde kojom dokazuje ispunjenost uslova iz tačke 7.4.2 pod a), te je komisija utvrdila da je pojašnjenje prihvatljivo.

U ponudi navedenog ponuđača za predloženog ključnog eksperta 2 je dostavljena Potvrda o iskustvu od 13.12.2017.godine u cilju dokazivanja uslova traženog tenderskom dokumentacijom, i to tačkom 7.4.2 b) 1.2.3. koji glasi: „Ovjerene fotokopije odgovarajućih dokaza o posjedovanju najmanje 7 godina radnog iskustva na polju dizajna, razvoja i implementacije informacionih sistema (uvjerenja, potvrde, ugovori ili druge reference). Međutim iz dostavljenih dokaza je

utvrđeno da predloženi ključni ekspert 2 nema 7 godina radnog iskustva na polju dizajna, razvoja i implementacije informacionih sistema, obzirom da je utvrđeno da se radno iskustvo po projektima preklapa, te se kao takvo ne može smatrati dokazom za ispunjenje traženog uslova. Nakon analize ponude navedenog ponuđača komisija je konstatovala da ista iz, naprijed navedenih razloga, ne ispunjava uslove utvrđene u tenderskoj dokumentaciji, te je ista neprihvatljiva.

Tenderskom dokumentacijom je traženo da ponuđači dostave bezuslovnu bankarsku garanciju u iznosu od 11.000,00 KM, te je Komisija konstatovala da su svi ponuđači uredno dostavili traženu garanciju za ozbiljnost ponude.

Shodno naprijed navedenom, komisija za javne nabavke je u Izvještaju o evaluaciji broj: JN1-03-07-3-19-16/17 od 12.02.2018.godine dala je preporuku ugovornom organu da se ugovor za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH “dodjeli grupi ponuđaču Infodom d.o.o. Sarajevo i Lanaco d.o.o. Banja Luka, na temelju kojeg je i donesena Odluku o dodjeli ugovora za nabavku konsultantskih usluga za implementaciju projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH “.

Sredstva za nabavku konsultantskih usluga za implementaciju projekta projekta „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH “ osigurana su u Fondu za reformu javne uprave u iznosu od u iznosu od 925.470,00 KM (sa uračunatim PDV-om) i to po osnovu Odluke o prihvatanju projektnog zadatka „Unapređenje informacionog sistema u Agenciji za državnu službu Federacije BiH, Agenciji za državnu upravu Republike Srpske i Pododjeljenju za ljudske resurse Brčko distrikta BiH “za finansiranje iz sredstava Fonda za reformu javne uprave u BiH br: 05-14-3-89-4/17 od 30.05.2017. godine.


Ukupna cijena ponude grupe ponuđača Infodom d.o.o. Sarajevo i Lanaco d.o.o. Banja Luka iznosi **694.354,58 KM bez PDV-a, odnosno 812.394,86 KM sa PDV-om.**

Ukupna cijena ponude grupe ponuđača King ICT d.o.o Sarajevo i KING ICT d.o.o. Zagreb iznosi **790.800,00 KM bez PDV-a, odnosno 925.236,00 KM.**

Obzirom na navedeno, kao i da je kriterij za dodjelu ugovora najniža cijena Komisija daje preporuku da se ugovor dodijeli grupi ponuđača Infodom d.o.o. Sarajevo i Lanaco d.o.o. Banja Luka čija cijena ponude iznosi 694.354,58 KM bez PDV-a, , odnosno 812.394,86 KM sa PDV-om.

#### **Pouka o pravnom lijeku:**

Protiv ove odluke može se izjaviti žalba prvostepenom organu Uredu koordinatora za reformu javne uprave u roku od 10 dana od dana prijema ove odluke.

  
Koordinator za reformu javne uprave  
Doc.dr Dragan Čuzulan

Dostavljeno:

1. Ponuđaču koji je dostavio ponudu
2. Kopija članovima i sekretaru Komisije za nabavku
3. a/a